

## 1974 nr. 100 31. desember Lög um Hitaveitu Suðurnesja

■ **1. gr.** [Ríkissjóður Íslands og fimm sveitarfélög á Suðurnesjum, sbr. 2. gr., eiga og reka fyrirtæki er nefnist Hitaveita Suðurnesja.

□ Fyrirtækið er sjálfstæður réttaraðili og hefur sjálfstæðan fjárhag og reikningshald.

□ Heimili þess og varnarþing er í Keflavík-Njarðvík-Höfnum.]<sup>1)</sup>

<sup>1)</sup> L. 16/1995, 1. gr.

■ **2. gr.** [[Hitaveita Suðurnesja er sameignarfyrirtæki ríkisins og eftirtalinnna sveitarfélaga sem eiga fyrirtækið í þessum hlutföllum:

Ríkissjóður Íslands . . . . .	20,00%
Keflavík-Njarðvík-Hafnir . . . . .	52,20%
Grindavíkurkaupstaður . . . . .	11,17%
Sandgerðisbær . . . . .	6,99%
Gerðahreppur . . . . .	6,07%
Vatnsleysustrandarhreppur . . . . .	3,57%] <sup>1)</sup>

□ Sameigendur bera einfalda óskipta ábyrgð á skuldbindingum Hitaveitu Suðurnesja gagnvart kröfuhöfum. Innbyrðis skiptist ábyrgð samkvæmt eignarhlutföllum. Verði síðar ákveðið að krefjast viðbótarframlags frá eigendum skulu þeir leggja það fram í samræmi við eignarhlutföll. Eignarhlutföllum verður ekki breytt og engum sameignarfélaga er heimilt að ganga úr fyrirtækinu án samþykkis allra sameigenda.]<sup>2)</sup>

<sup>1)</sup> L. 16/1995, 2. gr. <sup>2)</sup> L. 101/1985, 1. gr.

■ **3. gr.** [Tilgangur Hitaveitu Suðurnesja skal vera

a. að virkja jarðhita í Svartsengi og annars staðar á Reykjanesi ef hagkvæmt þykir,

b. að reisa og reka orkuver, aðveitur og orkudreifikerfi á starfssvæði hennar og annast sölu á orku til notenda,

c. önnur nýting á jarðgufu og heitu grunnvatni.]<sup>1)</sup>

□ Verkefni Hitaveitu Suðurnesja skulu nánar tilgreind í reglugerð.<sup>2)</sup>

<sup>1)</sup> L. 91/1984, 2. gr. <sup>2)</sup> Rg. 89/1990.

■ **4. gr.** Ríkissjóður skal afhenda Hitaveitu Suðurnesja öll mannvirki sín í Svartsengi og þar í nánd, þar á meðal borholur fyrir heitt og kalt vatn, og allar áætlanir og undirbúningsframkvæmdir vegna virkjana á Svartsengissvæðinu. Náist eigi samkomulag um mat á verðmætum þessum, skal gerðardómur þriggja manna, sem [sýslumaður skipar],<sup>1)</sup> skera úr. Sama gildir um mannvirki og önnur verðmæti, er aðrir eignaraðilar afhenda.

<sup>1)</sup> L. 92/1991, 66. gr.

■ **5. gr.** [Stofnsjóður Hitaveitu Suðurnesja skiptist á sameigendur í þeim hlutföllum er um getur í 2. gr.]<sup>1)</sup>

<sup>1)</sup> L. 101/1985, 2. gr.

■ **6. gr.** Iðnaðarráðherra veitir Hitaveitu Suðurnesja einkaleyfi til starfrækslu hitaveitu innan sveitarfélaga þeirra, sem aðild eiga að fyrirtækinu. Ráðherra er þó heimilt að ákveða, að bygging og rekstur dreifiveitu á Keflavíkurlflugvelli skuli vera þar undanþegin.

□ [Enn fremur veitir iðnaðarráðherra Hitaveitu Suðurnesja einkaleyfi til starfrækslu rafveitu á starfssvæði hennar eftir því sem um semst við einstök sveitarfélög og ríkissjóð um yfirtöku á veitukerfum þeirra.]<sup>1)</sup>

<sup>1)</sup> L. 91/1984, 3. gr.

■ **7. gr.** [Stjórn Hitaveitu Suðurnesja skal skipuð nú mönnum. Iðnaðarráðherra og fjármálaráðherra skipa hvor einn fulltrúa í stjórnina og einn til vara. [Keflavík-Njarðvík-Hafnir

skipa þrjá fulltrúa í stjórnina og þrjá til vara. Önnur sveitarfélög, sem aðilar eru að fyrirtækinu, skipa hvert einn fulltrúa í stjórnina og einn til vara.]<sup>1)</sup> Fulltrúar sveitarfélaganna skulu skipaðir til fjögurra ára og hefst kjörtímabil þeirra 1. ágúst næstan eftir almennar sveitarstjórnarkosningar en lýkur 31. júlí fjórum árum síðar. Fulltrúar ríkissjóðs skulu skipaðir til eins árs í senn frá aðalfundi til aðalfundar. Stjórnin skiptir með sér verkum. Við afgreiðslu mála skal að jafnaði viðhafa hlutfallslega atkvæðagreiðslu, miðað við eignarhlutfall skv. 2. gr., enda komi fram ósk að minnsta kosti eins stjórnarmanns þar um, og þarf þá 60% atkvæða til að mál teljist samþykkt. Undirskrift meiri hluta stjórnar bindur fyrirtækið.]<sup>2)</sup>

<sup>1)</sup> L. 16/1995, 3. gr. <sup>2)</sup> L. 101/1985, 3. gr.

■ **8. gr.** Stjórn Hitaveitu Suðurnesja hefur á hendi yfirstjórn á framkvæmdum fyrirtækisins og rekstri þess.

□ Stjórn Hitaveitu Suðurnesja ræður framkvæmdastjóra, er veitir fyrirtækinu forstöðu. Framkvæmdastjóri skal annast allan daglegan rekstur fyrirtækisins. Skal hann eiga sæti á stjórnarfundum, og hafa þar málfrelsi og tillögurétt, en eigi atkvæðisrétt.

□ Nánari ákvæði um starfssvið stjórnar og framkvæmdastjóra skulu sett í reglugerð.

■ **9. gr.** Aðalfund skal halda fyrir 1. apríl ár hvert. Stjórnin boðar til aðalfundar með dagskrá og með a.m.k. viku fyrirvara. Á aðalfundi eiga sæti 3 fulltrúar frá hverjum eignaraðila nema 6 frá ríkissjóði. Fulltrúa þessa kjósa viðkomandi sveitarstjórnir hlutbundinni kosningu, en fulltrúa ríkissjóðs skipa iðnaðarráðherra og fjármálaráðherra, þrjá hvor.

□ Á aðalfundi skal fjalla um eftirgreind mál:

1. Skýrslu stjórnar og framkvæmdastjóra.
2. Lagðir skulu fram endurskoðaðir reikningar félagsins.
3. Kosinn skal einn endurskoðandi til eins árs, en fjármálaráðherra skal tilnefna annan.

4. [Skipun fulltrúa ríkissjóðs í stjórn fyrirtækisins til næsta aðalfundar.]<sup>1)</sup>

5. Önnur mál.

<sup>1)</sup> L. 101/1985, 4. gr.

■ **10. gr.** [Stjórn Hitaveitu Suðurnesja setur gjaldskrá um verð á seldri orku til notenda.]<sup>1)</sup>

□ Gætt skal almennra arðsemisjónarmiða við setningu gjaldskrár.

□ Gjaldskrá öðlast eigi gildi fyrr en hún hefur verið staðfest af iðnaðarráðherra og birt í Stjórnartíðindum.

<sup>1)</sup> L. 101/1985, 5. gr.

■ **11. gr.** Heimilt er stjórn Hitaveitu Suðurnesja að taka lán til þarfa fyrirtækisins og taka ábyrgð á greiðslum og öðrum skuldbindingum í sama skyni. Stjórnin getur ekki skuldbundið eignaraðila að því er varðar greiðsluskuldbindingar og ábyrgð á lánum til framkvæmda og breytinga á mannvirkjum, nema að fengnu samþykki a.m.k. [fjögurra þeirra].<sup>1)</sup> Þó þarf stjórnin ekki að leita slíks samþykkis, ef samanlagðar skuldbindingar og ábyrgðir, sem gengist er undir á hverju ári, eru minna en 10% af brúttótekjum fyrirtækisins á næstliðnu ári.

<sup>1)</sup> L. 16/1995, 4. gr.

■ **12. gr.** Ríkisstjórninni er heimilt að takast á hendur ábyrgð á lánum, er Hitaveita Suðurnesja tekur til hitaveitufamkvæmda, að fjárhæð allt að 2000 milljónum kr. eða jafnvirði þeirrar fjárhæðar í erlendri mynt. Ábyrgðin skal vera með þeim kjörum og skilmálum, er ríkisstjórnin ákveður, og tekur hún jafnt til greiðslu afborgana, vaxta og annars kostnaðar.

□ Ríkisstjórninni er einnig heimilt að taka lán, er kæmi að hluta eða öllu leyti í stað ábyrgðar skv. 1. mgr. Lánið endurlánar hún Hitaveitu Suðurnesja með þeim kjörum og skilmálum, sem ríkisstjórnin ákveður.

■ **13. gr.** . . . <sup>1)</sup>

<sup>1)</sup> L. 16/1995, 5. gr.

■ **[14. gr.]**<sup>1)</sup> [Um skyldu Hitaveitu Suðurnesja til greiðslu opinberra gjalda til ríkis og sveitarsjóða fer á sama hátt sem um skyldu sveitarfélaga er slíkan rekstur hafa með höndum. Hitaveita Suðurnesja skal undanþegin stimpilgjöldum.]<sup>2)</sup>

<sup>1)</sup> L. 26/1980, 2. gr. <sup>2)</sup> L. 108/1988, 19. gr.

■ **[15. gr.]**<sup>1)</sup> Ráðherra getur heimilað Hitaveitu Suðurnesja að taka eignarnámi jarðhitaréttindi, vatnsréttindi, lönd, mannvirki og önnur réttindi, sem nauðsynleg eru til framkvæmda

samkvæmt lögum þessum. Um framkvæmd eignarnámsins fer eftir lögum nr. 11/1973.

<sup>1)</sup> L. 26/1980, 2. gr.

■ **[16. gr.]**<sup>1)</sup> Þegar eftir gildistöku laga þessara skal stjórn fyrirtækisins skípuð og sameignarsamningur gerður milli aðila. Skal hvoru tveggja lokið fyrir 1. janúar 1975.

□ Iðnaðarráðherra setur reglugerð,<sup>2)</sup> þar sem nánar skal kveðið á um framkvæmd þessara laga og starfsemi Hitaveitu Suðurnesja. Skal stjórn Hitaveitu Suðurnesja undirbúa reglugerðina í samráði við eignaraðila.

<sup>1)</sup> L. 26/1980, 2. gr. <sup>2)</sup> Rg. 89/1990.

**[Ákvæði til bráðabirgða.**

■ **I. . . .]**<sup>1)</sup>

<sup>1)</sup> L. 91/1984, 5. gr.

■ **II. . . .]**<sup>1)</sup>

<sup>1)</sup> L. 101/1985, 7. gr.